

**CENTRALNO GRIJANJE, TUZLA d.d.**

Krečanska br.1, 75000 TUZLA

OIB broj kod UIO: 209012500000

Identifikacijski broj : 4209012500000

Rješenje o registraciji : U/I-920/02

Matični registarski broj : 1-294

[www.grijanjetuzla.ba](http://www.grijanjetuzla.ba)

Broj: 12-04930-2025-11

Datum: 12.11.2025. godine

Na osnovu člana 64. stav 1. tačka a), člana 70. stavovi 1., 3. i 6. Zakona o javnim nabavkama BiH ("Službeni glasnik BiH" broj 39/2014, 59/2022 i 50/2024), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23) i člana 91. Statuta "Centralno grijanje" d.d. Tuzla, na Preporuku Komisije za nabavku broj 12-04930-2025-9 od 12.11.2025. godine, u postupku javne nabavke – **Nabavka kancelarijskog potrošnog materijala, javna nabavka broj 51-10-2025, direktor Društva donosi:**

## ODLUKU o izboru najpovoljnijeg ponuđača

### Član 1.

Prihvata se Preporuka Komisije za nabavku, broj 12-04930-2025-9 od 12.11.2025. godine, i dodjeljuje se Ugovor za nabavku - **Nabavka kancelarijskog potrošnog materijala, javna nabavka broj 51-10-2025**, dodijeli ponuđaču „ALFADIVIT“ d.o.o. Živinice, ponuda zavedena na protokol ugovornog organa pod brojem 010142 od 03.11.2025. godine (Ponuda ponuđača broj **482-10/25** od 29.10.2025. godine), za ponuđenu cijenu u iznosu od **19.574,60 KM (bez PDV-a)**, kao najpovoljnijem ponuđaču.

### Član 2.

Izabrani ponuđač dužan je da u roku od **3 (tri) kalendarskih dana**, računajući od dana dostavljanja ove Odluke, dostavi originale ili ovjerene kopije dokumentacije **iz člana 45. i 47. Zakona o javnim nabavkama**. Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, ugovor za javnu nabavku dodjeliće se drugorangiranom ponuđaču u skladu sa članom 72. stav 3. Zakona o javnim nabavkama, ukoliko postoji drugorangirani ponuđač, odnosno ukoliko ne postoji poništiće se postupak nabavke u skladu sa članom 69. stav 2. tačka d) Zakona o javnim nabavkama.

### Član 3.

Prijedlog ugovora dostaviće se na potpis izabranom ponuđaču u zakonskom roku, računajući od dana okončanja postupka.

### Član 4.

Ova Odluka, u skladu sa članom 70. stav 2. i 6. Zakona o javnim nabavkama, objaviće se na internet stranici Društva ([www.grijanjetuzla.ba](http://www.grijanjetuzla.ba)) i biće dostavljena elektronskim putem ponuđačima koji su učestvovali u predmetnom postupku javne nabavke.

### Član 5.

Ova Odluka ima se smatrati Obavještenjem i biće dostavljena svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## Član 6.

Ova Odluka stupa na snagu danom donošenja, a za izvršenje iste zadužuje se Odjel nabave.

### Obrazloženje

Postupak javne nabavke pokrenut je Odlukom o pokretanju postupka javne nabavke broj 12-09906-2025 od 23.10.2025. godine. Javna nabavka sprovedena je putem konkurentskog zahtjeva.

Procijenjena vrijednost javne nabavke bez PDV-a je 23.000,00 KM. Obavještenje o nabavci broj 585-7-1-152-3-144/25, poslato je i objavljeno na Portalu javnih nabavki dana 31.10.2025. godine. Komisija za nabavku, imenovana je Odlukom broj 12-09907-2025 od 23.10.2025. godine.

Komisija za javnu nabavku dostavila je Direktor Društva Zapisnik o pregledu i ocjenjivanju ponuda broj 12-04930-2025-8 od 12.11.2025. godine, Preporuku o izboru najpovoljnijeg ponuđača broj 12-04930-2025-9 od 12.11.2025. godine i Izvještaj o radu broj 12-04930-2025-10 od 12.11.2025. godine, u postupku javne nabavke – Nabavka kancelarijskog namještaja, javna nabavka broj 51-10-2025.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 3 (tri) ponude,
- da su blagovremeno primljene 3 (tri) ponude,
- da nije bilo neblagovremeno primljenih ponuda,
- da su ponude ponuđača/učesnika u postupku javne nabavke „R&S“ d.o.o. Sarajevo, komisija za javnu nabavku ocijenila je **neprihvatljivom i nepravilnom**, iz sljedećih razloga:

Uvidom u dostavljenu ponudu ponuđača, „R&S“ d.o.o. Sarajevo, komisija za javnu nabavku ocijenila je **neprihvatljivom i nepravilnom**, iz sljedećih razloga:

- Uvidom u dostavljenu ponudu ponuđača, „R&S“ d.o.o. Sarajevo, utvrđeno da je ponuda neprihvatljiva i nepravilna iz razloga što ponuda ne ispunjava zahtjeve u pogledu kvalificiranosti, odnosno ne ispunjava kvalifikacijske uslove definisane tenderskom dokumentacijom, a u vezi sa Zakonom o javnim nabavkama (Sl. Glasnik BiH broj: 39/2014, 59/2022 i 50/2024), te podzakonskim aktima koji su doneseni na osnovu Zakona.

Naime, tačkom 4.8. stav b) tenderske dokumentacije traženo da je da ponuđači, shodno članu 48. ZJN BiH (tehnička i profesionalna sposobnost), posjeduju uzorke, opise i/ili fotografije robe koja je predmet isporuke, a čiju vjerodostojnost je kandidat/ponuđač obavezan da potvrdi ako to ugovorni organ zahtijeva, dok je tačkom 4.9. tenderske dokumentacije b) traženo:

*„...odgovarajuće opise i/ili fotografije robe koja se nudi a na kojoj je jasno naznačen proizvođač ili linija proizvoda ili naziv i tip nuđenog proizvoda ili kataložki broj, povezanu sa specifikacijom - Obrazac za cijenu ponude (Aneks 3), na osnovu koje je moguće provjeriti tehničke karakteristike nuđene robe. Odgovarajuće opise i/ili fotografije nije potrebno dostaviti za sljedeće stavke iz obrazca za cijenu ponude (Aneks 3): 4, 5, 6, 7, 27, 28, 43, 44, 63, 67, 68, 87, 88, 94, 95, 96, 97, 98, 103, 104, 105, 107, 108, 109, 114, 115, 116, 117 i 118.*

**Napomena: U odgovarajućim opisima i/ili fotografijama označiti redni broj stavke iz popisa roba (Obrazac za cijenu ponude – Aneks 3). Opisi i/ili fotografije moraju biti numerisane po hronološkom redu.**

Naime, ponuđač je na strani 43./47. ponude dostavio tehnički opis robe za stavku r/b 120. koja je predmet nabavke, i to: „Ručni pisac štampač naljepnica, laganim i kompaktnim dizajnom jednostavnim za držanje i korištenje“, dok je u Obrascu za cijenu ponude (Aneks 3) ugovorni organ je postavio prihvatljive minimalne tehničke specifikacije za navedenu stavku, i to: „...uređaj treba da koristi standardne AAA alkalne baterije...“.

U svrhu provjere tehničkog opisa navedenog proizvoda, Komisija je od ponuđača „R&S“ d.o.o. Sarajevo dana 06.11.2025. godine tražila pojašnjenje dostavljene dokumentacije i dostavljanje dokaza kojim će se potvrditi vjerodostojnost podataka, u pogledu opisa predmeta nabavke i tehničkih specifikacija za stavku 120. Obrasca za cijenu ponude (Aneks 3), te dobila odgovor za stavku br. 120., u kojem pojašnjava da ponuđena roba/uređaj koristi litij-ionsku bateriju koja nudi potpunu mobilnost i da je to danas najčešće korištena baterijska tehnologija.

Dalje, ponuđač „R&S“ d.o.o. Sarajevo nije u ostavljenom roku dostavio traženi dokaz, to jest ponuđač je propustio dostaviti dokaz koji će potvrditi vjerodostojnost podataka u odnosu na stavku 120. iz Obrasca za cijenu ponude (Aneks 3), a u skladu sa članom 48. stav d) Zakona o javnim nabavkama BiH ("Sl. glasnik BiH" broj: 39/14, 59/22 i 50/24).

Shodno gore navedenom, ugovorni organ je prilikom ocjene ponude ponuđača „R&S“ d.o.o. Sarajevo, primjenjujući načelo materijalne istine koje je propisano članom 9. Zakona o upravnom postupku, na pravilan i zakonit način, prije svega utvrdio činjenično stanje, te na osnovu savjesne i brižljive ocjene svakog dokaza posebno i svih dokaza zajedno, njegovu ponudu odbacio obzirom da je propustio dostaviti traženi dokaz i lažno predstavio informacije koje su dokaz ispunjenja iz čl. 48. Zakona o javnim nabavkama BiH, te konstatovao da ponuđač nije postupio po Zahtjevu Ugovornog organa od 06.11.2025. godine, tako da ista nije bila predmet daljeg vrednovanja.

- da su ponude ponuđača „ALFADIVIT“ d.o.o. Živinice i „WINNER“ d.o.o. Tuzla ocijenjene kao prihvatljive ponude jer iste u potpunosti ispunjava uslove koji su dati u tenderskoj dokumentaciji, kako u pogledu dokazivanja kvalificiranosti, tako i u pogledu ispunjavanja zahtjeva iz tehničkih specifikacija kao sastavnog dijela tenderske dokumentacije.

U postupku donošenja ove Odluke, posebno su cijanjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, Direktor Društva nije našao razloge nepravilnosti, niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju, nesporno je da je izabrani ponuđač ponudio ekonomski najprihvatljiviju ponudu, kako slijedi:

Naziv i sjedište ponuđača	Podkriterijum	Podkriterijum
	Broj bodova	Broj bodova
„ALFADIVIT“ d.o.o. Živinice Sprečka 15.C, 75270 Živinice	Cijena: 19.574,60 KM	Rok isporuke: 1 (jedan) kalendarski dan
	85,00	15,00
„WINNER“ d.o.o. Tuzla Rudarska br. 61, 75000 Tuzla	Cijena: 21.515,00 KM	Rok isporuke: 1 (jedan) kalendarski dan
	77,33	15,00

Nakon čega je izvršeno rangiranje ponuda kako slijedi:

Naziv i sjedište ponuđača	Ukupno bodova
„ALFADIVIT“ d.o.o. Živinice Sprečka 15.C, 75270 Živinice	100,00

„WINNER“ d.o.o. Tuzla Rudarska br. 61, 75000 Tuzla	92,33
---	-------

**Naziv ponuđača čija je ponuda ocijenjena kao najpovoljnija:**

1.	<b>Naziv ponuđača</b>	„ALFADIVIT“ d.o.o. Živinice
2.	Sjedište i adresa	Sprečka 15.C, 75270 Živinice
3.	Ukupna cijena ponude sa popustom bez PDV-a KM	<b>19.574,60</b>
4.	Rok isporuke iskazani u danima (kalendarski dan)	<b>1 (jedan) kalendarski dan od dana prijema narudžbenice po potpisanom ugovoru.</b>
5.	Mjesto isporuke	<b>dio Krečanska 1, drugi dio 4. Aprila, 75000 Tuzla, magacin Ugovornog organa.</b>
6.	Uslovi plaćanja	<b>Odgodeno plaćanje do 15 (petnaest) kalendarskih dana po ispostavljanju fakture i specifikacije o preuzetim robama ili ekvivalentan dokument.</b>
7.	Garancija na isporučenu robu	<b>U garanciji koje nude proizvođači opreme za određene artikle.</b>

Iz navedenih razloga, primjenom člana 64. stav 1. tačka a) Zakona o javnim nabavkama BiH, te člana 70. stavovi 1., 3. i 6. Zakona o javnim nabavkama BiH (Sl. Glasnik BiH broj: 39/2014, 59/2022 i 50/2024), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 91. Statuta "Centralno grijanje" d.d. Tuzla, odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od **5 (pet) dana** od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa, shodno članu 99. i 101. Zakona o javnim nabavkama. Žalba se podnosi u najmanje 3 (tri) primjerka.



**DIREKTOR**

dr. sci. Babajić Nermina, dipl. pravnik

Dostavljeno:  
3 x Ponuđači  
1 x a/a